

## সূচনা ইতিহাস

**১.১। মূলনীতি (Motto) :** শিক্ষা হচ্ছে একটি প্রক্রিয়া যা মানুষের জ্ঞান, দক্ষতা, দৃষ্টিভঙ্গি এবং চরিত্রের বিকাশ ঘটায়। শিক্ষার অর্থ হচ্ছে পরিচর্যা করা, ভেতর থেকে পরিবর্তন আনা বা অভ্যন্তরীণ গুণাবলীর পরিপূর্ণসাধন করা। তাই শিখন ও শিক্ষণের আদর্শে অনুপ্রাণিত জেলা প্রশাসন, লালমনিরহাট এর সার্বিক তত্ত্বাবধানে পরিচালিত কালেক্টরেট কলেজিয়েট স্কুল, লালমনিরহাট এর পাঠ্যক্রম এবং সহপাঠ্যক্রম শিক্ষার্থীদের সঠিক মান উন্নয়নের বিষয়টি বিবেচনায় রেখেই পরিচালনা করা হয়। শিক্ষার্থীদের মেধাও সৃজনশীলতা বিকাশে পরিকল্পিত শ্রেণি পাঠদানের পাশাপাশি বার্ষিক কর্ম পরিকল্পনার মাধ্যমে খেলাধুলা ও সাংস্কৃতিক কর্মকাণ্ডসহ অন্যান্য পাঠ্যক্রম পরিচালিত হয়। প্রতিষ্ঠানের নীতি বাক্য-

“KNOWLEDGE IS POWER”

অবস্থান: তিস্তা ধরলা বিধৌত লালমনিরহাট একটি স্বল্পোন্নত জেলা। প্রায় শতাধিক কিলোমিটার ভারতীয় সীমান্ত বেষ্টিত এই জেলার প্রাণকেন্দ্র লালমনিরহাট সদর উপজেলার তালুক কুটামারা নামক স্থানে প্রায় ৯.০৬ একর জায়গা জুরে সুপারিসর ও খোলামেলা এই প্রতিষ্ঠানটির অবস্থান। লালমনিরহাট-পাটগ্রাম প্রধান সড়ক থেকে জেলা প্রশাসক, লালমনিরহাট ও সরকারি স্টা কোয়ার্টার লালমনিরহাট এর ঠিক উত্তর-পূর্বদিকে কালেক্টরেট কলেজিয়েট স্কুল। এর তিন দিকেই পাকা রাস্তা ও পাশে একটি স্বচ্ছ জলের লেক এবং খেলার মাঠ প্রতিষ্ঠানটির সৌন্দর্য বর্ধন করেছে।

## **১.২। লক্ষ্য ও উদ্দেশ্য:**

- ক। শিক্ষার্থীদের মধ্যে সামাজিক, মানবিক ও নৈতিক শিক্ষার মাধ্যমে সুনামের গুণাবলি অর্জনে উদ্বুদ্ধ করা।
- খ। মুক্তিযুদ্ধের চেতনা, মূল্যবোধ ও স্বদেশ প্রেমে শিক্ষার্থীদের উজ্জীবিত করে আদর্শ নাগরিক হিসেবে গড়ে তোলা।
- গ। পাঠ্যক্রম বহির্ভূত সহশিক্ষা কার্যক্রমের মাধ্যমে শিক্ষার্থীদের জ্ঞান চর্চার আধুনিকায়ন করা।
- ঘ। শিক্ষার্থীদের দলীয় কর্মকাণ্ডে অংশগ্রহণের মাধ্যমে ঐক্য, সৌহার্দ্য ও সম্প্রীতির বন্ধন গড়ে তোলা।
- ঙ। স্বনির্ভরচিন্তা ও কর্ম দ্বারা শিক্ষার্থীদের আত্মপ্রত্যয়ী হয়ে উঠতে সাহায্য করা।
- চ। সাধারণ জীবনযাপন এবং মহৎ চিন্তার আদর্শে শিক্ষার্থীদের অনুপ্রাণিত করা।
- ছ। সত্যতাকে জীবনের আদর্শ হিসাবে গ্রহণ করতে শিক্ষার্থীদের উদ্বুদ্ধ করা।
- জ। শিক্ষার্থীদের মধ্যে পিতা-মাতা, পরিবার, সমাজ ও রাষ্ট্রের জন্য সর্বোচ্চ ত্যাগ স্বীকারের মানসিকতা গড়ে তোলা।
- ঝ। সার্বিকভাবে শিক্ষার্থীদের রাষ্ট্রের সম্পদ হিসেবে গড়ে তোলা।
- ঞ। বিশেষ শিশুদের উন্নয়নে সহায়ক পরিবেশ প্রদান করা।